


詩

西堂集  
二





西堂先生集詩卷之二

三月晦在楊山偶成

衮衮天機暗適流人情空惹惜春愁從教紅紫飄零  
盡聽取槐陰轉粟留

營知足菴

古同山下藥溪清抱月迷塵一壑平誰道歸田須官  
達已將知足揭堂名

仕為窟井止為賢不用徵書慣眼前可獨人間存此  
理三災准到第三天

楊山夜坐



淦淦雲頭月欲生石泉松籟適和鳴坐來詩思渾相  
惱不覺霜風沁骨清

又  
月滿前溪雪滿林琅然清夜響瑤琴尋巢倦鳥寒飛  
急歸海神龍凍蟄深松桂欲迷塵客廷詩書聊見古  
人心蒼茫歲暮多愁思梁甫吟成費獨吟

謾成

三界利名同弊屣一身生沒等浮雲歸來宴坐龍門  
下啼鳥喧泉不管聞

巖花開落任天機澗水圓方逐地移倚杖柴門觀物



熊子規啼在月明枝

挽申統制使

春秋元凱癖韜畧孫吳竒望係干城重名應草木知  
損軀曾素志乘化奄平時憂國傾何淚公亡運屬危  
又

華閤麟臺煥魁姿帟榜推撼來山不動應處電方馳  
英畧今誰在浮生儘足悲清藻好遠筭先見驗胡兒  
風月亭次尹仲和

雨罷雲猶暗江天鴈鷺聲偶憑臨水檻剩占出塵情  
風急孤帆遠潮高兩岸平眼前無盡景取次小詩成



李叔季通雅有歸田之計而南航北船殆不能一日寧處豈亦材之累歟其搨燕价濱行而徵詩余假為也過數日偶得一律廻寄

十月燕山雪撲花簫簫長路動征車中年作別懷仍惡萬事憂時鬢欲華倦策筇骸供世役夢尋丘壑著生涯窮廬漫學寒虫蟄悵望清霄犯斗槎

演初上人居嶺南通度侍今秋因事抵京訪余於城南第頽和而言辯類有得者余於古德言句涉獵略遍矣唯於六祖所謂四大聚沫有生所托精足神足是生妙用卽為真我之說尋常蓄疑以為



是乃道家保形保神之術耳似有垂於本來無物  
之旨至是舉以告師師咲曰真我不離幻質今措  
大乃欲離幻求真其亦遠矣余於言下有省雖未  
知師之所言果能透得曹溪本旨而愛其深有契  
於禪理臨別贈以一詩  
妙用寧資聚沫身曹溪言句惹疑頻吾師聽說呀呀  
咲幻外無真幻即真

赴水城路過亡女墓下

東出全家五馬榮獨憐荒草雪封塋孤魂何處望行  
色夕照寒雲正滅明



麟蹄道中

水城東望海茫茫穿雪衝風道路長一咲人生皆有  
累峽中時見馱魚商

第三句一作等  
是人生營口腹

自馬奴發向邑底

峯環谷邃饒雲霞樹密林高黏雪花挾路楓松三四  
里臨溪村落十餘家世間粉墨應無盡海外蓬瀛漫  
見誇古驛東徧延賞久翩翩飛蓋夕陽斜

合江亭

尋派皆名嶽匯流注海驕選奇隅有地占勢欲凌空  
落日人憑閣寒風馬度橋依依回首望丹艭隱林椒



彌時坡路傍有蒼巖飛瀑奇甚舊名盜淵余改以  
蒼壁潭戲題一絕

蒼壁亭亭插遠空玉虬矯夭半山中惡名今待吾人  
洗飛沫應慙策上功

藍輿踰嶺

馬驟車奔到嶺窮眼前天濶海浮空地維盡處觀方  
大賴著行行不息功

嶺頭望海海吞天縹渺蓬萊若箇邊未就金丹成白  
髮今來羞殺見羣仙

余始登清澗亭得句云窄窄人間道路難漫天荆



棘礙危盤云云既而思之古人謂劉夢得蘓子瞻  
詩多譏刺殊乏風人敦厚之旨者誠為得之乃改  
題絕句云

適適塼蛙躍井欄胸蜂磨蟻亦多般却來清澗亭中  
望世界方知有許寬

初句一作名路彌坡較  
孰難一般荆棘碍危盤

贈李生夏

鴿原消息隔重泉白首人間祇自憐邂逅聆君談舊  
事郡齋斜日淚雙懸

為還穀分俵往烈山歷憇花津

路指烈山僻眼從花浦明遠郊猶雪色幽鳥已春聲



海日暉暉沒村烟  
萼萼生皤然何處老  
沙岸叱牛耕  
尋仙遊潭少憇駕鶴亭

蒼山臨渚斷穿月有行蹤  
三面澄澄水千株瑟瑟松  
何年人駕鶴他日客携筇  
懷古聊延佇斜暉已隱峯  
乾津村舍次韻贈至禪上人

海岸孤村吠夜狔  
緇袍黃衣坐成雙  
懸燈共說寒溪勝  
風雪蕭蕭正打窓

三掛嶺三月晦日

不辭危坂萬盤難  
仙山指點白雲間  
忽驚今日春歸盡  
折得殘花馬上看

寒溪山

丹崖翠壁對開張松下清流晚吹涼千古水春無底  
壑四時花布別般香雲霞世外多僧氣鍾梵林中放  
佛光明日欲尋深院路赤城高處石梁長

又

石骨精神面面新排空高標碧嶙峋陽鳥戢翼頻回  
馭奇鬼當磯欲撲人松頂嘯風飛魍鼠洞中經雨長  
芝菌百年未踏茲山路虛向閭浮老此身

贈洪川倅金長叔

塵客遊山事却稀芒鞋穿越去如飛相逢共訝衣全



濕知遇潭龍行雨歸

雪嶽

一筇雙屐謝塵紛去踏超超海上雲  
適色奇峯歡喜見殷空飛瀑睜眙聞  
人間醉夢應千劫物外仙緣占十分  
鳳項憑來高嘯發天飆振怒雪紛紛

宿鳳頂菴

靈籟勁風徹夜寒松藤交戛響飛湍  
夢裏錯認東海崖不知身在萬重山

次金長叔留贈韻却寄

我訪尋瀑天台路君已翩然下鳳臺  
山外共傳瓊蓋



遠林中只許一僧陪  
雲藏小寺唯聞磬  
雨暗千峰忽送雷  
寥落幽懷渾不寐  
夜分清坐獨書灰

聖人臺

海北聖人即一般  
難言難水在遊觀  
臺高却是門墻峻  
日夕登臨發浩歎

京都八景

月課

畿甸山河

聖祖龍興創業艱  
天開神甸壯河山  
四方都會星環極  
諸路委輸輻湊  
寶輦南都三股帶  
勢侔西雍百重關  
徒知地利渾無賴  
戒在人心向背間



都城宮苑

瑰材因勢展規模佳炁葱籠護上都  
蘭錡周遭環紫籞鉤陳森列擁金鋪  
宮池長帶恩波暎苑木偏含雨露  
敷棟盡禁林棲未定天寒沙渚有啼鳥

列署星拱

多士曾教鎬邑寧聖朝分職吊由靈  
揚輝列宿思禪月罄瀝羣流擬助溟  
鳳闕曉趨聽禁鼓蜂衙夕退爍天星  
明良際會真今日亮采何人贊治馨

諸坊綦布

崧陽王炁漢陽移天眷真人此宅師  
九術縱橫平若



砥千甍連絡散如綦袂帷汗雨殷  
犇動蝸戶蜂房窳  
窳疑欲識太平真炁像試聽擊壤街頭詩

東門教場

鏖鏖伐鼓國門東萬幕連空曠野中  
影動蛟龍旂匝  
日色搖雲錦馬跑風烽消四境寧忘戰治洽三年庶  
卽戎親上共知由孝悌訓民須懋本源功

西江漕泊

水邨楊柳綠侵江江岸喧呼待點艫  
簇簇帆檣來海  
國殷殷歌吹鬧蓬牕雙鬢沾酒朝迎客三老笑緡夜  
剔釭從此太倉紅腐溢不應珠玉解肥邦



南渡行人

渡頭芳草織如茵多少來來去去人為利為名均汨  
沒分南分北信蹄輪百年檢是此中老前者如斯後  
又新日暮空洲行客散孤舟移繫綠楊津

北郊牧馬

平郊莽蕩華山陽沛艾千羣檢驢驪齧草飲沅神自  
王嘶風噴玉首爭驤占國曾聞數秣壯訓兵又貴別  
驪黃燕臺蕭瑟悲颺暮誰惜高材困伏箱

東軒牕外種孤松叢菊戲題

淵明歸去尋松菊我向官庭手種之但使心期同歲

暮東軒初不異東籬

携兒輩出遊北山

遙山青黯黯春水綠粼粼中間容片石咲語兩三人  
上下食堂

春遊內雪山秋遊外雪山春秋無異景內外揔一般  
疊雪層巖白橫空亂嶂青溪聲和谷籟琴筑正泠泠  
經祖窟

經祖經何祖燈傳衣不傳窟前流活水長說曹溪禪  
山與貧僧屋巖巖巢勝木巢休生分別見天地亦穹包  
贈襄陽倅蔡仲耆



藝苑曾推第一人  
謫官恩許領波臣  
謳吟萬象困嘲  
美揮霍千篇愁  
鬼神跌蕩頻乘  
峴首興沈冥  
潛契洛伽真  
高名長與濤聲  
壯日夜轟喧  
大海濱

來章琅然清警  
屢諷欽味不  
釋手今輒以  
二篇繼呈其  
一言仲耆左  
宦即事其二  
因洛山有大  
士靈跡而遂  
及乎入流亡  
所之義欲仲  
耆回心試究  
此一段因緣  
蓋亦古人屬  
辭比類卒反  
乎正之意也  
長嗟天意厄  
詞人不遣高  
材處近臣  
歲暮悠颺北  
極夢詩成  
鼓舞東溟  
神厭看世  
事同翻局  
喜把心期  
托列真  
聞說新篇  
多揭壁也  
應光恠燭  
湘濱

不願身為慧業人，休思通籍作王臣。  
爭如擺落區中累，養得逍遙世外神。  
循物黏塵皆屬妄，反流聞性是全真。  
憑君欲問圓通理，紫竹林深滄海濱。

復用前韻却寄

黃雲峴曲絳符人，誰識先朝秉筆臣。  
青血漫添滄海水，哀詞應感洛山神。  
風生葭葦秋聲動，夜靜樓臺月色真。  
想得新詩多楚調，溜波遙接汨羅濱。

明廷承惠作封人，全勝非材忝侍臣。  
久客逢秋猶枕席，遙山得雨更精神。  
蟬緣高樹聲逾遠，鷺立平蕪意却真。  
飲水鳴琴幽事足，自疑身在蘄溪濱。



# 復次

涼秋蕭瑟劇愁人况復離鄉作逐臣  
水濶天地吞百谷山稱蓬島列三神  
荒年薄俸妻兒窘暇日清遊興  
趣真賴有新篇能起我晴虹流照大川濱

大川津名

## 復得二詩錄呈

休將仕路枉充人外內均為效職臣  
理筏洪波思濟俗操琴清畫欲通  
~~神~~世間仍利心方醉物表優遊樂  
自真雄有憶君秋夜夢依依時到禁川濱

漱石枕流遁世人聽鷄韞馬趁朝臣  
寒飢忍處寧無怨善否思時亦損神  
謝眺宣城聊托興葛洪句漏也

全真百年爰得謀身策不用靈龜拾水濱

鑑湖贈主人崔君

松櫟交陰細路斜石田茆屋翳桑麻黃花白酒留歸客疑是稽山賀老家

蓬萊舊宅樹冥冥廢圃荒畦白露零試向飛來亭上坐九仙峯色映湖青

宿海山亭延寄沈使君

孤鴻渺渺叫長洲楓葉蘆花動客愁風物依然人去後沉吟終日倚江樓

悵望歸裝暮嶺頭浦雲汀月獨來愁佳人淚作南江



雨一夜樓前漲碧流

三日浦次韻

汀花撲撲亂飛蛾  
日落紅亭影蘸波  
悵悵四仙今不見  
霧區千載白雲多

秋遊楓岳

百川橋至長安寺  
危棧畏途盤百里  
紅錦巧粧白玉峰  
明珠亂寫黃金地  
樓臺連綴暮雲中  
花雨繽紛空翠裏  
處處洞深人不知  
形勝說來祇如是

正陽寺

千峰秀色玉叢叢  
霧罷雲開聳半空  
真歇臺前聊放

眼高低霜葉夕陽中

白霞潭小坐

錦繡林中一逕微紛紛霜葉向人飛  
貪看小瀑溪邊坐細雨殘雲又夕暉

登萬景臺面眺毗盧夜來積雪皓然俯臨大海當  
前涵湧信天下壯觀也到中內院借僧壁題詩

入洞仍躋險雲端石路橫鷗鵬天外戲日月坐中生  
採藥秦皇迹乘桴魯叟情蒼茫懷古意拍崖暮濤聲

香爐菴

特地古菴僻松間有路微空林多落葉斜日到禪扉



山翠僧穿去茶烟錫繞飛徘徊蘿外月幽洞遍清輝  
龜潭下有穹石人未嘗陟余縋而登馬上有雙潭  
下成一瀑景致殊有絕

上若雙條蜨下如一疋練復有盤陀巖坐來飛沫滅

丁公藤歌

雪嶺僧言此物必生  
瀑落處後驗良然

丁公藤人不識唯有真仙採服食托根愛在幽遐境  
斷崖飛瀑高百尺百塔神洞閔楓岑水清石老雲霞  
深層層寶塔若地湧造物設此應有心諸佛圍繞恒  
作禮霽雲祥霽相虧蔽揚枝甘露日灑地養得巖間  
綠玉蒂歲久風霜飽蕭颯細鱗斑斑如鱗甲我行見

之驚且喜癯容勁姿真相合  
劉來照水光陸離不長  
不短裁輕策來時吻燥汗  
翻漿歸路冷風駕兩腋玉  
鏡潭外試提出鏗然響與  
溪邊石黃昏投宿長安寺  
松際佛燈遠明滅平明携  
上真歇臺高下楓葉錦繡  
堆歷歷羣峰指顧中冰雪  
雕鏤白皚皚真珠濕下暫  
流憇萬景巖畔望迢遶昆  
盧雪色天外起大海東臨  
不見際山行著處賴甬力  
微甬吾遊其不濟僧言此  
物善助烝久杖能令跛者  
起人間至寶有如此赤藤  
烏竹安敢比憑高西望涕  
漣漣其孰如甬能扶顛嗚  
呼其孰如甬能扶顛



楓岳歸路訪七松亭贈主人權處士

放却藍輿卽短筇纔能換眼萬千峰  
爭如捲箔清溪上坐攬西天翠色濃

幽人高卧七松亭天界高山養性  
霸仙鶴遠盤真翳外下看鷗鷺競吞腥

一壑能輕萬戶侯七松那羨五城樓  
神仙富貴頭皆掉真樂從來不外求

望海

大嶺以東滄海寬黏天無際碧漫漫  
但看日月從中出誰測鰐鯢在內蟠  
恍惚瑤臺輕靄外依稀颺馭彩

雲端秦皇漢武遙相待  
明滅烟濤望眼寒

洛山寺次韻

竄窳觀音窟  
嶄巖義相峰  
曇花青鳥墮  
檀像彩雲封  
聖釋何年住  
真身是處逢  
祇今山下石  
猶帶點頭容

觀音閣

至人示跡跡旋空  
無住真心感卽通  
寄說耳根清淨  
法潮音天籟月明中

余於六七年前夢出宰關東  
未久而適邑中人士  
追餞津亭亭臨大海制頗宏敞  
酒肴旣陳男女雜坐  
俄而席掇矣人起矣馬在門矣  
余倚柱望海殊



有悵然之意既覺其光景猶森然在眼而獨不記  
其邑名癸卯冬出守杆城居一年承召還朝邑之  
父老男女追送於清澗亭則恍然夢中景色也人  
生離合去來皆有前定豈偶然哉乃作二詩留別  
諸君子云

雪嶺亘天海日紅酒行人起馬嘶風搔頭六七年前  
事光景依然似夢中  
過去曾為夢裏身未來應夢現前人若教魂夢通三  
世道著非真也是真

踰嶺

峩峩脩坂造雲天  
氷雪斂溪馬屢顛  
薄晚試憑高處  
望虛空無際海無邊

金士源集中有見懷之作漫次却寄

春洲詩語妙開卷  
輒高吟爐篆香侵榻  
庭梧日轉陰  
江河千古業延琢  
百年心卽看蛙咬  
鬧風塵孰賞音

偶作

心為主人公身是道  
傍舍舍壞主人去  
身滅識亦捨  
寓形此宇內  
逸驥騁隙隙  
達人辨内外  
形和心不和  
况彼身外物  
卽是假之假  
軒冕是桎梏  
朱紫乃髡赭  
胡彼循名士  
逐逐無少假  
得車秦客喜  
飽鼠老鷄嚇



傾奪朝暮間，斷斷復籍籍。路開崖州棘，雪擁藍關馬。  
大則加刑戮，輕猶罹彈射。失之腸焦煎，得者勢熏炙。  
終然一枯骨，累累黃蒿下。向來役心機，倏忽泡影乍。  
滔滔衆醉中，孰為反醒者。咄哉復咄哉，吾詩非謾罵。  
待尹伯脩不至

曾留芳約暮江隈，日夕烟波思不裁。已勅中厨具鷄  
黍，更從懸榻拂塵埃。參差真影看高下，窸窣風綫聽  
闐闐。開倚適前楹，消息斷綠羅門外。暗春苔。

前山

花發前山紅葉長，前山碧四序無暫停。供眼異朝夕

存者俄已失來者方接迹碧應到秋黃黃又見雪白  
山下有清泉晝夜細脉脉天運悟如斯俛仰成今昔  
我面日已皺我髮日以皤仙夫不可希功名亦蹉跎  
賴有不化存浩浩野春和永釋區中累偃息在澗阿  
舍後杜甫松門前邵平瓜春雨夜來過莧彼桑與麻  
滄浪歌一曲睡足溪日斜醉眼看山外利名闕蝦蟇

次日新韻

夜裏安眠晝坐閑觀山觀水興余闌高低野色禾抽  
葉斷續簷聲雨送寒世外厭聞蠻觸闔脑中朗徹死  
生關願言瓊樹時翹首冉冉孤雲落遠巒



日新復以二律見投其一首尾四韵體也漫次却寄

久識踈慵合處閑  
歸田不待宦情闌  
蛩鳴暗草天機動  
鴈度長空月影寒  
衰境偶全丘壑趣  
中年誤墮利名關  
總閒睡起涼侵骨  
泉響淙淙在碧巖

又

青林翳日擁層巒  
松下雙扉畫亦闌  
山水緣深吾送老  
緇袍義薄孰憐寒  
薰葭影外秋容淡  
鷓鴣聲中歲色闌  
寥廓天遊存一室  
心閑方覺勝身閑

送松禾倅沈明叔

見說雙旌向海隈使君臨發有書來  
白頭悵望秋天暮孤負西郊酒一杯

峽田硤瘠懶躬畊京兆為郎亦匪情  
却奉板輿江海去肥魚香稻養專城

傷嗟吾女即閨英一閒楊阡草五生  
舅啼爺啼俱不念憑君今日淚河傾

歎息黎元著處窮禁街裘馬自生風  
推仁却是吾人事煦拊唯湏赤子同

勸君但飲松禾泉歸日休齋一大錢  
猾胥如蠅財是血約身方應試蒲鞭



洪春川 重禹挽

雅望英姿不復觀  
哀章題寄淚沈沈  
世方立幟排殊趣  
公自無心做熟官  
江海一麾魚得計  
扶搖萬里鵬辭搏  
吾廬近接昭陽水  
長遣仁聲聒座寒

宋君集等亭於廣津扁以松石數年以來退居其中  
嘗有詩要余繼和夫斬刈凋喪之後獨能保優遊閑逸之趣  
斯固君集之幸也然匠石弟子有意剪取而至於厭看則莊生猶為之危  
余欲君集之益自韜藏務修其在我者故輒用其韻綴無詞錄奉以致區區之意云

高能竦竦偃蹲蹲翠色如雲映小軒不向明廷支大  
厦却從荒野托貞根滿盱弟子傍看厭慙愧大夫舊  
弭存紅紫春來應滿眼歲寒心契莫須諼

又

誅茅晚計遠囂氛徧愛蒼巖著水濱補罅曾經媧后  
手膏民思起泰山雲蘚苔也鮮粧居士袍笏何煩屈  
使君揔為憂時顏盡皺知應說與點頭聞

鄭延安

錫圭挽

兩世為官祇典州長嗟才命不相謀思將朋友無窮  
涕寬得高堂曠禮愁



東萊政術世推良夫子翹然又播芳他日誰編循吏  
蹟百年雖短萬年長

交遊零落半黃泉身後如君更可憐親老兒癡妻又  
弱夜臺歸來恨纏綿

鄭質夫在湖中有次儒城相公詩詩中道相公彈  
琴事甚備錄以見示聊次其韻

懷人終日坐松陰牛笛樵謳滿夕林正字詩名驚賸  
俗相公琴操舞胎禽希音嫋嫋春雲細幽思淵淵綠  
水深欲向雷門搥布鼓山河超忽夢中尋

次質夫韻

晚天微雨乍淒淒  
反照流雲谷澗西  
深樹啼鶯穿葉  
急平蕪飛鷺掠烟低  
愁隨芳草何時盡  
夢逐殘花著  
處迷  
珍重台州賢著作  
頻將詩什問幽棲

宿松石軒次君集韻

面江松櫟翠交陰  
指點幽居一逕深  
獨鶴忍飢飛浦  
口大魚吞釣出湖  
心虛名薄利知何  
用明月清風取  
不禁一宿却尋前  
路去橫空脩坂正  
峴陰

寄李仲約

別後三看葉謝條  
金陵何處路迢迢  
夢中得句春山  
曙天畔懷人夜月  
遙北塞楓林凋夕  
露南州歌曲咽



晨潮幽悵悄悄憑誰說驚語蛩音伴寂寥

今春夢過仲約贈詩

云莫問前頭難合事  
人生於世本悠悠

復次質夫時七月三日也

陽和排盪積陰淒消息真傳月峽西午夜嚴霜摧枳  
棘旱天甘澤遍高低恩讎路上心常哲義理關頭識  
易迷從古安危大臣在餘生永擬碧山棲

夢中若應製之為得二絕異而記之

闕角踈星乍有無天鵝搏翼喚金烏渾驚衣袖天香  
滿不省前宵奉御爐

丙枕龍樓穩著無畢逋官苑欲棲烏寸丹恰似灰中

火兀兀終宵耿小墟

送金子直赴燕

積毀徧蒙聖主矜堯鑒纔卸又金縉戴恩輕觸遼天  
雪銜命頻餐薊野冰紆直長逴行自了勃溪時議鎮  
誰能布帆倘掛仙槎後杏水鑑湖一樣澄

次尹仲和

懷人悄悄坐含情  
瞋靄棲烏倏滿城  
維暴祇能工織貝  
不疑誰識本無兄  
燈前曉夢朝天慣  
日下歸程入眼明  
楊峽有田吾亦去  
釣磯行與野翁爭

趙內翰與申學士賦詩梅花下錄以見示漫次却



寄

微陽剝後動涼藥臘前新月裏疑分魄雪中暗漏春  
清香傳彌遠疎韵淡逾親隣德知誰在哦詩兩玉人

孝章廟

風悲月吊咽幽灘燭滅香消夜向殘疑有笙聲來縹  
渺二陵西畔是緱山

次蔡仲耆韵

鳩菴居士古人姿撐腹詩書不救飢偃蹇豈惟官益  
拙椰榆亦見鬼相欺暫時館閣天嗟晚老境金貂衆  
惜遲欲借一麾全百口回生神術世為誰

杜牧上時  
宰求外邑

書曰苟遂此願雖歸太子死  
而回生未足喻其喜云云

又

元非肉食封侯姿祇合丘園老忍飢世外青山歸未  
得鏡中白髮來相欺泮宮試藝菁莪盛天祿讎書歲  
月遲冰畔梨湖陽氣動遙憐春色屬他誰

安岳使君崔文吉有詩賀兒子登第謾次其韵以  
見志時新有崔致重之誣疏

驥子年來欲蒲雲消人夢睨漫云云芝蘭不許栽當  
路畢弋唯思取掩羣彩暈夜燈真告病雪消春睨荷  
明君詞垣史閣渾閑事歸興江湖動碧紋

文吉詩有  
龍門史藁



仍傳子牛耳詞  
盟正屬君之自

挽洪承旨廷相

我在楊山目驚聞學士亡官槐纔改火棗萼又凋芳  
暝壑珠雙返寢門淚再長清姿何處覓曉月映空櫟

其兄廷弼士  
癸先一年死

挽金星州字集

空庭春雨欲黃昏輓幅忙傳孰款門乍見細書驚未  
定延思交誼涕旋捫踈襟坦度千夫持烟草霜榛萬  
古原生別十年仍死別白頭人間祇聲吞

題閔斯文江亭用李一源韵

聞說幽居好茅亭簾碧流白鷗閑結社紫陌懶回頭  
憂枕暝櫺過映簾曉黛浮前灘饒水族帶月小眾收

大行王大妃挽詞

鼎湖攀慕淚七載尚餘痕禍未皇穹悔辰胡嫠女昏  
玉欄縹渺烟金粟高低原儷德垂無極呼呼永不諼

又

恭惟天作合摯仲夙嬪京慶嗇高襟應祥符大橫庚  
聖情均顧復慈抱失哀榮兩殿誠無間宮闈藹頌聲

又

梧野仙遊邈楚宮母道尊德齊先后懿私絕外家恩



衾補皆中製供排不外煩軫民仍著儉徽烈使臣存  
又

逆豎鼓凶舌誣吾二聖多晴空噓螭竦暗地障義娥  
世道昏如許慈情痛匪他宸章紀遺教獐筆與同科  
次鄭質夫寄示韵

招隱操成倚小楹滿林雲雪沁肥清暮年心事惟耽  
靜半世文章不要名倦作關山羸馬夢間全滄海熱  
龍情吟君妙句搔雙鬢觸撥離愁眼底生

厭直承明戀野楹歸來一曲磬溪清疎才無補羞懷  
祿薄俗多猜欲遁名膏裏默量當世事卷中時見古

人情子規啼歇山雲捲手拓東窓看月生

李監司

世勉

夫人趙氏挽

夫人沈自出吾母之內第兩母適乳哺較齒差一歲  
弄針坐小閣摘花繞前砌幼少愛充篤長大情靡替  
離合劇中年相念動必涕向在丁未秋吾母奄先逝  
夫人在後箚胆若割半體題封一襲衣俾資附身瘞  
從子宦湖右南北路迢遶遠離詎幾時凶聞俄已繼  
楊旣草久宿泉路定相後融融地中樂得如人間世  
獨有孤兒淚四載腐衣袂恭聞葬有日玄隧將永閉  
窮峽臥冰雪孤負絮酒祭俛仰今與昔哀號永莫逮



在峽時有人來訪峽村托以墓文既歸復用鄭質  
夫韻投寄屬鄭重謾次書諸謝牘之尾

寒天延客坐前楹世外從容笑語清顧我未能窮實  
學愧君猶自慕虛名淺知敢測高賢緼簿枝聊酬孝  
子情不用區區文字托遺風千載定如生

挽蔡仲耆

妙歲通朝籍英才舉世驚湖堂揮彩筆詞藻感宸情  
鷗退綠風逆鱗騰得日明波漚過眼滅千古只空名

又

閱書百紙暫長句萬篇堆妙語人爭誦高名鬼亦猜

莫施華國手虛費屠龍才詩卷留天地陰何谷隸儻

又

峴首連清澗同歸傲吏治詩賡簡易叟歌續銅鞮詞  
筆下雲濤湧樽前日月遲回頭陳跡遠哀涕暮江湄  
送李子平赴任杆城

鯤鵬日月送回旋極目茫茫海拍天多少樓臺臨水  
起坐來何處不神仙

梧陰滿地日遲遲萬朶荷花褪小池細馬輕輿清澗  
去曲欄高倚賦新詩

關東一曲遏雲長小妓翩然弄劍光太守醉眠烏帽



落海風吹月滿華堂

湖民多黥海民瘕黥者難治瘕易治水火臨機惟所用勸君休被鄭僑欺

雪嶽春遊楓嶽秋回磎幽磴入冥搜周年但喫杆城飯吏罵民嗔不自愁

乾鳳寺僧半簽軍空門此事古未聞曾思通變無長筭救苦親音卽是君

浦民生理在魚鰈鱗細山童可苦何不有零陵治化盛爭教鍾乳產來多

崔君蘊籍鄭君通資固不同哲則同從古治成由得

士小為言偃大姬公

荒陬不見士風新  
妄擬芹宮育秀民  
數畝校田歸養  
馬世間何限敗心人

挽魚僉正

史周

古人吾未見見公即古人  
恂恂長者風滿腔皆天真  
愛侄如愛子衣哺恒與均  
治邑如治家四境絕輦呻  
詞藻豈不富爛若華敷  
春金榜竟無名司命故不仁  
伊昔水田村紆轡清溪濱  
公言此可去期與子卜鄰  
斯言終莫踐斯懷吞莫伸  
孤舟載公柩秋日溯龍津  
依依白板扉寥落翳荆榛  
知有平生魂眷焉踟躕頻



傷哉復何道我淚盈我中決濟寒郊夕逝水自鄰鄰

長陵遷葬挽二十二韻

運夕綿炎業龍池啓慶基每觀賢聖作多際否傾時  
往者天常亂凜然國命危別宮邏警峻孤嶼望思悲  
敷虐民推輶聞腥帝威眉毆同鸛鵲急識應鳳龍姿  
天啓人謀暢河清世運熙旣除昌邑政復覩漢官儀  
匝域均施澤行天廓揭離圖功懷慄慄典學意孜孜  
釣等乘時進風雲應運隨屈身存社稷尊禰正倫彞  
瞻漢終朝海藉薪每仄曦志明由子聖情苦獨天知  
至愍殷憂啓宏謀燕翼貽犯顏寧戮辱矯手起瘡痍

天上仙遊遠人間歲序移  
灣和非水醫梁虺卽灾疑  
葬用魯人祔服遵周制  
總宸心應有校真理定無虧  
悲喜均咸育岡巒擁福禧  
秋天葱鬱烝遙接白雲遠  
仁烈王后遷葬挽十二韵

允穆徽音遠柔嘉令德醇  
祥從潜邸定慶乃占沙  
均啓夏資塗娶亂周有婦人  
燕私存警戒密勿資經綸  
配健坤儀正化家國命新遊  
龍流水戎樛木貫魚仁  
弓鞬纒騰慶鏡奩遽掩塵  
欄花看已遠桑海閱仍頻  
畫壁舟空覆禁苑草自春  
鮒岡開吉域渦水見君臣  
霜露悲寒節鍾琴象樂辰  
百霽拱衛地邦業綿無垠



后嘗因覆舟圖進規又  
諫治園固有勞民力

贈湖西伯李景尹

景尹之才不惟儕友知之朝廷亦知之矣然在平  
常無事之日未嘗用臨急乃畀以方面之任故戊  
申變起初授關東至今日湖西告飢則廟議將極  
擇三易人而後卒歸景尹此不幾於諺所謂兩日  
展乎病中偶占一律以贐其行以申素懷以督造  
別

關東節却又徐書有脚春隨按察車試政一方民頌  
洽掄才三易聖心虛孰能常日心包杞每到難時伯

助予知爾應野醫世術旬宣炎帝土苴餘

送史局郎李君敬赴燕

穩跨天閑玉面驄曉衙歸趁九街鍾冷官自咲無甌  
坐清漢忽傳有路通留館春回霄見月經遼野曠畫  
弭風抱書何事增悵悵小宋又釐箕子宮余及宋汝  
儒為史局

堂上而君敬為即今君敬齋出疆之命而汝儒又  
除西伯故句中及之君敬為太僕正乘內廐馬

尹善山鳳部挽

君逝後吾妹六年吾悲如妹始亡然清文新舊一天  
目異政空教萬口傳解讀父書見繼業長留人間唾  
盈箋他時忍過南村路砌菊園楓搃可憐



柳正字逸挽

書局周旋久恒憐玉樹姿骨清疑筭促詩妙驗才奇  
瑞世雲間羽脩文地下司湖堂掄藝日淚為憶君垂  
又

吾每評佳什輒方蔡仲耆瞻該雖遜矣思致故勝之  
玉折嗟同歲天高理孰知詩窮君更甚官較侍郎卑  
送李仲熙

僕正先行戶部隨使星遙並德星輝漫漫長路三千  
里薊北春生次第歸

顰眉長對求官客詆筆頗成副急文恨不輕貂衝雪

去放眸遼野得如君

金判書

演遷葬挽

卿月沉輝七載前積城南畔又新阡清明共說醒翁  
似孝友尤從貞穆傳事往風流輸撫迹時危涕淚滴  
懷賢司徒舊秩阿咸繼語及當年每愴然

鄭君德而夢於殯所見亡見兒言今得重生鄭生  
驚喜問君未真死而誤為棺斂君於平日每斥吾喜聞  
曰吾固真死安得不棺斂君於平日每斥吾喜聞  
內典今之復生正賴是耳鄭生復問君逝日多體  
中得無所損否兒曰支節皆未健若以成人則誠



遠矣今唯以復生為幸也其酬酢歷歷可記故其  
祭文有幾欲啓棺以視之語其後十餘日老妻復  
夢亡兒在一樓上楹檻雖敞豁而翳翳無日月光  
就見則其貌此生時稍瘦而兩吻加大仍勸轉世  
重成眷屬兒曰覺一日忙了也曰何忙之有兒曰  
是亦然矣余備聞其說感而題三絕

生死悠悠一屈申正如寒暑適相因知渠剩有靈明  
性不憚三途出沒頻

靈性去來理不無一池風起再生漚縱然重得中陰  
轉長憶當時六尺軀

死者歸真悔蘄生蘄生却是生人情只緣癡想成癡  
夢水底虛撈月影明

自悼三絕

雙眸炯炯鶻精神知汝初非短折人  
捻為乃翁前業重忍教蘭桂未秋薪

優曇花隱桂銷香三十年光彈指忙  
獨有老翁身世苦春霄無寐卧虛堂

汝死吾惟一哭休人言此老善忘憂  
默數千秋誰會意魏舒當日愧莊周

晉魏舒子舍人二十七日而夭舒哀慟殊

甚既而歎曰吾愧莊周多矣遂竟服不復再哭



夢中作

種瓜得瓜種玉得玉胡斯之不然春天淚相續淚相續一片青山千古色

贈錦城倅李載方

揚翎早擬刺天飛晚節低垂困一麾  
卽看風塵開蠶觸爭如湖海活惇嫠  
六年政滿猶嗟速萬斛倉收搃濟飢  
聽取錦城新曲譜家家按拍唱于為  
錦城百年來無報瓜之人載方既六年政滿而又從民願加留一年又其賑粟至於二萬餘斛之多云

哭崔生柱國

昔我宰水城有意興學校有美二三子  
邈志來承教

公堂設講席討論窮昏曉君時頂未冠頽然古人貌  
讀書通大義肯類管窺豹秀句燦我目天葩擢泥淖  
同志豈他人兩宗復英妙化同時述蛾習如數飛鳥  
東海稱三何古今真同調聞風聳四鄰俗習變稍稍  
果擢南宮試頓轡騁駿裏霜蹄惜一蹶巨鰲期大釣  
前夏聞在疚憂心恒悄悄芳年縱美疢天閔非所料  
天高鬼神惡俾君竟死孝自吾哭吾子形與影相吊  
今君又短期志業將誰紹默默暗傷懷親愛眼中少  
白露戎秋節湖海莽渺渺埋君在何山揮涕望新兆  
唯有平生魂長向烈山遼

梁何思澄與宗人遜及子  
朗擅文明一時為之語曰



東海三何子朗最多生與族弟  
柱昱杜卓同學於余故比三何

省公兄墓

吾年六十汝三十父子深緣至此窮猶疑山寺携書  
去抔土胡然在眼中

次韓弟清風新亭韵

心塵百斛洗教剛擺首銀魚就碧山釣叟溪翁來往  
際柳風梧月主賓間看他人世三公貴爭搏仙區一  
日閑我欲膏車從子隱桃花春水問津難

的字上人有湖南至松廣訪余楊峽不遇訪良子  
又不遇訪龍湖始相遇其意甚勤留一宿凡內典

微義有所叩問應之如響蓋法門中龍象也將回  
沁洲臨別題增一律

江天雪落凍雲堆面水柴扉誰喚開我占幽居方隱  
几師從何處遠浮盃青蓮瑞色添燈暈白拂清風振  
法雷不憚石頭歸路滑麻尼映海碧崔嵬

又次字上人

諸祖門庭峻莫攀膏中人我幾時安憑師點破西江

話頗建清波決四山

是日論馬祖西江話釋氏以生老死病謂之四山

次三陟倅李一源韵

丹爐纔破得除書殿見長纓壓帑魚聞說槎川春正



好願言携手老樵漁

時余新除鉅金而余與一源農庄皆在河上故詩中及之

竹西樓上著書人百斛明珠散海濱  
料得羣龍爭貪寶波間學剖賈胡身

知足寮

行穿仄徑樹冥冥  
戍削奇巖雜作屏  
空外濛濛天遠大渚沙縈白海雲青

送陳葵副使朴成甫

冠蓋年年走薊封  
大東杼柚卽看空  
將他顰笑為榮辱  
玉貌休言列國雄

火雲燄燄欲燒空  
征馬齊嘶蔭水風  
慣識晏嬰辭令

善不愁淮橘渡江東

神龍見繫鶴因樊掄為斯湏覓利源憐取眼前承奉  
捷竒衰終見智先昏

李子厚蓮亭送李濟而赴寧邊

面水高軒不染埃紅蕖香褪綠萍開清秋人向香山  
去曉日朋從洛社來驛路蟬聲千樹咽關城砧響萬  
家催雲飛雨散湏更事欲下層階首屢回

挽馬生遜

松都初識面洛社又逢迎新故何湏辨淺深唯在情  
蘭從原草沒龍射斗躔明昨別今如許泡漚過眼輕



又

望表昂知內容辭嚴吉祥恤隣敦古義仁族罷多藏  
餘慶諸郎秀休稱一府香天磨嗚咽水我淚與俱長

李兵使汝迪挽

短小姿仍勁危疑節益純提兵遙赴命臨急卽忘身  
聖獎剛無敵銓咨聞乏人延英前夜對哀惜溢君臣

君逝後兵判因畫講言李某死間任更無可合  
者上曰某是剛底人其剛無敵其死實可惜

西坡栗里僻占得好樓臺借榻吾曾住丐銘子幾來  
方嗟縞贈晚旋報岱游催泱泱荒郊夕滔滔逝水哀  
送安邊倅趙伯承

朝班暫輟少春卿，紺幘招搖度嶺行。  
屈跡不緣愁桂玉，分憂聊試活嫠嫠。  
鐵關路掛青天險，鶴浦沙偷素練明。  
衙罷梨花亭上去，南枝撚取驗陽生。

鍋裏飯分憂  
聊施雪邊城

李判書森挽

今年埋却李將軍，萬事空傷錦水雲。  
雄入九軍猶世有，學通三禮始公聞。  
碍眸留屑看時議，羃服傷留賴聖君。  
麟閣師垣渾一夢，南原春草綠侵墳。

宿清虛樓

一抹清沅繞檻長，洞天寥廓月蒼蒼。  
微風忽送前山



雨併作高樓半夜涼  
誰喚蒼巖作酒泉  
錯教人嚙望梅涎  
鼠乾為璞鷄成  
鳳今世浮名大抵然

錦江亭

檻外溶溶春後水  
松間點點畫中村  
揔緣往迹人難  
忘佳處江山亦淚痕

島潭

巧從湖面著亭亭  
呈秀遙迎出峽舲  
天為三山人不  
見替教竒石象真形

昔在戊辰春  
先君子宰忠原而金農巖宰清風同

遊四郡從者先叔父及子益丈沈兄思仲兄弟李  
兄學顏兄弟并余為九人至今追思如昨日事而  
居然為四十八年今之存者仲表兄首揆沈公及  
余二人而已俛仰悲涕題詩以識

輕舟出峽落花天舉眼風光淡泫然往迹浮雲流水  
外孤生千慮百憂邊青山閱世渾無語白髮欺人倏  
滿顛萬事湏臾歸變滅哀遲吾亦匿王年

仙巖

清流激激石差差三巖形勝一般奇素紋鋪月涼承  
坐哀響和琴冷沁肌影蘸淪漣山色動苔侵巾舄櫟



陰移區中鷄犬疑秦世短策依依出谷遲

龜潭

玉笛峯連五老峯矯翎羣鶴舞雲中只應潭島論高

下爭及春城北壁雄

季良以龜潭為第一北壁為第二島潭為第三而余意不以為

然故句中及之云

清風南使君用金農巖贈先君子短律韻見贈感  
歎之餘率爾和呈

麗日滿江淨歸舟出峽遲高樓清絕世繁蕊綴如期  
赤壁蘇仙興青山謾睡詩幽吟懷往事檻外迹如斯  
宿凝清閣

春水粼粼映曲欄脩眉林外見屏山天明一棹乘流  
去回望高樓杳靄間

北壁

一峯一石世愛賞孰知大小殊氣象請看北壁大如  
許濶展石屏三千丈苔紋斑駁石紋古繡錯霞蒸亘  
低仰王愷石崇鬪豪侈步障十里爛紅紫珊瑚擊碎  
不自惜磊砢火齊兼翡翠世尊高踞七寶座奔走人  
禮足下天女手散五色華璫珞袈裟綺旒夥項王  
鴻門怨勃鬱刀鎗旄纛儼成列莊也起舞殺氣飛左  
盤右蹴劒如雪北壁之壯有如此嗟吾有口不能說



楓岳雪岳無此奇龜潭島潭兩孩兒寄語四郡遊山  
客不見北壁謂之不見四郡也亦宜

壁寺東臺

微風拂拂帆行遲突兀東臺入眼奇水碧沙明山似  
畫遊人何處著新詩

臺下長江江上月懶翁心法牧翁文高禪往迹憑誰  
問白塔亭亭立暮雲

懶翁以江月為之記  
軒而牧隱為之記

清心樓

快閣東頭倦凭欄無邊風物屬春殘龍門黛色擎天  
壯壁寺鍾聲吼月寒遠樹茸茸帆帶去長空漠漠鳥

飛還草生花落天機濶誰信玄功開處閑

次板上韵

七日輕舟泛大江青山無數過蓬牕杖策偶登林外閣閑雲歸鳥度雙雙

題平丘館

十日江山湧浪身名區領畧向風塵恍然一覺遊仙夢依舊朝班趁曉人

試院次鄭子揮韵

晝漏丁東棘衛嚴老槐流翠滴疎簾忽如散地開詩社不覺遙天側露蟾甄閱青衿呈八叉暝生紫閣隱



孤犬眼昏不辨驪黃色  
帳外唯愁試卷添

又

詩壘相當舊令嚴  
坐闌星漢影垂簾  
蕭蕭暝雨微沾  
石淦淦輕雲欲吐蟾  
雋語快同九轉坂  
謏才窘似眼  
愁尖傍人不信新篇  
富看取燈前紙屢添

又

頑雲驅雨晚更嚴  
斗覺新涼透畫簾  
黯黯長廊飛暝  
蝠沉沉清漏鎖寒蟾  
流年冑為愁人駐  
舊業期教錢  
杵尖庭樹秋聲蕭瑟起  
前堦虫語夜來添

又

鍾動天街報曉嚴暉暉初日射鉤簾槐陰遍地深留  
鵲壁水環除冷侵蟾馬服兵機神共秘廣文詩律劍  
爭尖不須浪讀書千卷清話能教識慮添

時晦方為  
御將子揮

長國  
子

又

排愁無賴酒醪嚴却喜今朝快捲簾且向樽前歌蟋  
蟀任教天外遠烏蟾庭空微雨侵燈暗簷豁遙岑映  
座尖嫋嫋高風秋欲半鏡中霜髮不禁添

又贈趙時晦

臨園試士古來嚴揀得奇才許入簾識別妍媸空冀



馬明同水鏡戮盧蟾操毫誰解崇敦樸鉢目惟知愛  
巧尖沙土淘來金自現歐陽光價晚應添

明制有簾  
內試券簾

外試券  
之稱

年來離合無常而每苦離多合少偶回試事幸得  
周旋一席者屢日今當分散豈勝悵然續吟一詩  
示時晦子揮

試院今朝始解嚴離懷黯黯出重簾去來隨節梁間  
燕圓缺無常海上蟾御苑梧楸輕靄歛禁街車馬曉  
風尖知應此境他時憶叵耐新愁眼底添

送延豐崔使君

成大

秋晚幽懷感省卽聊從湖右借銅章地蒸靈液環環  
白霜墜腴田穗穗黃小吏摘山松茸嫩使君持酒菊  
花香淩淩蕪蕪臨三千里羨爾閑時見我忙茸東音  
作耳

挽朴判尹乃貞

頎然七尺渥丹顏抵老生涯縹帙間物外精神張邁  
邇晚來詩酒白香山氓懷善政鑱穹石聖獎高年界

峻班飄忽鸞駟無處覓逝川東注月西殘余常戲公  
言公貌如

張三丰若能修煉當作不死人只為愛官爵不能入  
山求道公輒大笑又公嘗以月川扁堂號有詩云月  
以無私臨大地川能不息赴長  
河求記文於余而未及應也

自在京得眼病連日閉轎窓合眼昏昏



馬前惟聽角咿咿百轉青山捻不知賴是冬天搖落

後西來十日廢吟詩

賴作

### 次關西伯趙時晦贈詩韵

秀句吟來慷慨新疎燈遙夜雪紛纒天將道踈供哀  
境地不滿湘見故人南國甘棠留舊蔭梁山哀涕洒  
征輪白頭殘妓無多在何恠吾成老醜身

### 發龍川向義州

雪裏孤城吹角深高風落日望鄉心童童遠樹疑樓  
閣咽咽幽泉奏筑琴樞馬不眠嘶曉月塞鴻何意墮  
孤音鴨江陽至冰堅腹軋軋征車背故林

得家書

出疆行色老僧如紙被詩囊共一車  
婦病年來兒又死只教孀女寄家書

安市城

鄭公墓草欲離披安市城邊戰角悲  
生前幾許廷爭力只博軍回豎路碑

踰分水嶺宿連山關

離家已覺度千岑逢俗何緣辨異音  
獨戍依微山有木荒村蕭瑟井無禽  
天時冉冉着哀相關路迢迢動苦吟  
薄暮停車聊一望蘆林深處凍雲沉



踰青石嶺宿狼子山

蜷局征驂亂石間誰教詩思集眉端  
羈愁乍失鵝兒酌客路初逢狼子山  
殊俗以財為性命孤忠許國只  
心肝雙眸欲闕中州大不憚辛勤西入關

遼東

嶺路重重踏欲窮馬前平楚是遼東  
彌望有野天為蓋環界無山樹接空  
歸鶴踰蹊孤塔白昏鴉滅沒半  
林紅憐渠物性皆知止渺渺吾行劇轉蓬  
客談云古蓬人用轉蓬不知何物使遼見蓬花枝葉相屬團聚在地遇風即轉問之云轉蓬也此是遼野所產

太子河

亡國亡身勢已成徒然狂算殺荆卿若教留作金臺  
客定還東來李信兵

瀋陽

關外雄藩說瀋陽崢嶸危堞拂雲長據鞍意氣駘騁  
客垂髫嬌嬈墮馬粧境接華夷經戰伐地連幽薊閱  
興亡戍樓曉角棲鴉起落月蒼茫在女牆

宿孤家子

行邁何時了蕭蕭北上車瀋遼渾一野幽薊隔三河  
曦日鳴吟厲冲雲鶴跼踰黃昏孤子店新月冷如波

道中有省二首



諸法漚因水起滅虛空裏虛空寂無為不即亦不離  
繞着開浩浩俄又靜悄悄有無更相因吾以觀其妙  
東關驛逢陳奏使次書狀官申幼言贈詩韵

相逢旋作別愁緒劇勢絲塞雪飄花盡鄉梅著葉遲  
橐空并日食箱富紀行詩烟柳春江煥吾歸及此時  
使事不順成久滯絕糧吾行分  
橐以濟幼言自言得詩五百首

望夫石次王建韵

遠訪夫跡悠悠抱屍石間化萬古遼海頭羅衫作苔  
淚為雨貞心不效宋郊語

山海關

天下更應此勝無風雲張翥護皇都開門延寇吳誠  
謀設險防胡魏亦迂但占天人存向背不關規畫有  
賢愚曾聞有道夷為守安用區區備外虞

徐達封魏公

### 望海亭

赴壑脩虹勢若騰危巖東畔客來憑高雲不動天逾  
迥碧海無邊月欲昇嘆浪鯨牙飛白雨射波蛟眼閃  
紅燈煩襟乍覺冷然善不向燕山飲夕冰

### 漁陽橋

摧強靖難幾英雄畢竟無人制女戎但看漁陽鼙鼓  
動禍胎先在壽王宮



白松

一般貞質傲冰霜  
捻為憐稀却賤常  
倘使世間皆此族  
也應嫌白愛蒼蒼

滹沱河

赭袍當念燎衣夕  
玉食寧忘飯麥時  
君心若也推斯義  
定不當年貴易妃

燕京五絕

汗雨袂帷信不虛  
紅塵拂拂逐鈿車  
臨街多少公侯宅  
盡作當朝貝勒居

山高萬壽翠凌虛  
松柏林邊駐客車  
堪恨當時毛御

史無端撞破好家居

毛御史羽健發憤於悍妻之乘傳萎減天下驛夫衣食無所相

聚為盜土賊乘以逢起卒至明亡

不分前朝枉喫虛天河歸路渺雲車氈裘滿目腥塵

漲依舊山河擁帝居

小說以崇禎帝為牽牛墮精李義山詩云却笑喫虛隋煬帝破

家亡國為何人杜牧外集云漢高祖破咸陽後莫使奔波遂喫虛唐時語如此與今喫虧同

闖賊兵來如搗虛撞竿誰解碎衝車滿朝閣老無長

筭平日惟知善貨居

三桂初謀竟墮虛關門風雨暗羶車巍巍皇極天王

殿拱手聽他點虜居

書狀一路未曾作詩忽以長律見投即次以報



禽情羈思一般呻終日何曾見似人渺渺家鄉着漸  
遠依依僮僕轉相親條風朔雪須臾過蒼柳園桃取  
次新愁至唯憑詩句遣百回酬唱莫辭頻

夢得倦鳥落花之句既覺足成之

滯迹殊方日抵年遼陽東望路三千旅愁倦鳥歸雲  
夕鄉思落花飛絮天逢俗每驚章服異道情唯倩舌  
人傳終湏淨土吾邦是卽看狂塵漲八埏

天壇道中

跨馬平明出近郊  
弄晴幽鳥語咬咬  
溪流決決輸冰  
鑄春意浮浮着  
樹梢却為閑行愁  
暫失欲排新句興

全拋燕雲決瀋遼天濶掠亂歸心二月交

盤上贈遠法師

欲向廬山識遠公清溪引禪到禪宮林深漸覺諸天  
近地勝能教萬慮空松杏參差輕靄外樓臺高下夕  
陽中憑師試問西來意笑指雲間滅沒鴻

夷齊廟

衫衣垂莫御姬粟餓寧餐但使心無慚即知死亦安  
倫常誰遣晦骨肉或相殘三歎循遺廟清風纚纚寒  
舊遼東

戰伐飛騰迹已陳山川依舊尚精神原頭多少纍纍



塚盡是令威去後人

白塔

團沙猶佛事累石罄人謀  
曉旭明高標宵星掛上頭  
福應龍象喜叨遣鬼神愁  
欲問千年事令威倘見不  
明谷李相公久有休致之  
意遼陽歸路得子固學士  
書乃知以前月一疏得請  
欣忭之至輒以二律馳申  
賀忱

天遠誠能格朝章夕報聞  
知臣惟聖主優老攝虛文  
寫斷沙堤步神縈彩仗雲  
感恩琴一曲清響和南薰  
白髮三朝老天書許晚休  
午橋城市近履道草花幽

進退憂無間行藏義與謀  
巨川誰利涉斜日有橫舟  
左揆金公用文谷沂川諸先輩辛丑唱酬之韻續  
成志喜一律錄以見示忘其僭猥輒敢攀和

吾王喜氣溢天庭赤脚真成下界生  
彩徹紫霄虹飲渚賀騰丹陛弁疑星  
寢牀已繫神人望薄海仍均鼓舞  
情正事正言蒙養早的知延祚軼千齡

真成一作新從

李判書

廷濟挽

耆舊凋零盡公亡又此時同朝人易忽  
他日世應思捨命聞妻烈挺膺有母慈  
慶筵如宿昔行踞已吞悲

又



弱歲論交早明廷步武隨  
推頽憐齒髮翫驥見襟期  
溢目艱虞際驚心殄瘁詩  
超班珂馬開通敏似公誰

李判書夫人鄭氏挽

女蘿附長松嫋嫋當春茂  
松摧女蘿枯芳華竟何有  
婉婉閨裡英嫁為尚書婦  
尚書官一品上有百歲母  
夫人善就養小心如捧漏  
雞鳴外欲曙爛彼星與宿  
上堂拜阿姑下堂具飭餼  
怡怡復愉愉詈聲不及狗  
尚書敬愛客客至填戶牖  
夫人視中饋吐嗟辨肴酒  
門外絕芑苴內嚴辭受家  
間數十人無論老與幼  
皆言夫人賢在古應罕覩  
前月尚書逝三日殯中雷

夫人哭無時淚血漬衣袖取湯洗面膩取櫛理髮垢  
傍人恠相問在禮斯為謬荅云意所欲甬曹休見荅  
著我衣裳新焚我衣裳舊阿叔及阿兜申申囑身後  
言訖正席卧引被以自覆有眼不復視有食不入口  
千呼不一應環泣但相守魂隨尚書去屍從尚書柩  
鬱鬱坡山麓雙塚列左右女德貴貞烈其餘即無取  
如夫人所為古曾有是否衛姬詠柏舟杞妻殉嘉耦  
前後耀史編雖死名不朽誰能繼前躅大書勒螭首

斜川

藤刺鉤衣石路斜近溪楓葉得霜多僧居知在山回



處隱約前林宰閭波

建憶弟兒

海也曾翹二百人阿山庭擢亦青春英才美質俱為  
土歲暮窮村老一身

正月九日

溪流活活鳥喧喧  
羃歷斜陽掛樹端  
跋扈將軍風振野  
迷空步障霧籠山  
歡悰寂寞隨年減  
病眼離襟視物艱  
幽谷春來無客到  
爐香裊裊繞蒲團

三月十一日與姜天叟步至徐持卿湖亭將拏舟  
往觀龍巖東隣徐兄及韓君次第而至地主又攜

酒見顧江山嫵媚花柳交映沼汨終夕興盡乃罷  
勝流初不待招延青草湖邊忽後先春水回經新雨  
漲苔巖賴得幽花妍誰家映柳門臨岸遥浦回船月  
在天乘醉緩歸山路細老槐疎影小堂前

捨俗寺

今年正月十六日夢得眉毛螺髻之聯覺而異之  
以非思慮所到也三月之望遊捨俗寺遂足成一  
詩

石拆天開細路縈泉聲月色湊禪庭迎門長老眉毛  
白踞坐牟尼螺髻青去帆來檣江渺渺閑花芳樹野



冥冥終然應俗知難捨山外歸軒帶曉星

錦平都尉初度日上特賜宴需又賜樂一等甚盛  
事也某迹滯江湖不獲與於獻壽之列乃蒙都尉  
投示志感之作不揆鄙拙依韵輒成二律以申區  
區之愧

優老嘉年舊典存聖朝起例沛殊恩資傾地部委輸  
賸曲逶黎園轉撥痕列弁疑星排錦幕芳花如雪撲  
金樽天章俯和秦簫響沁水春連太液門

魯殿巍然喜見存九旬黃耆五朝恩冥靈歲月專遐  
算浮世滄桑閱幾痕樂畀咸韶懽暮境藻頌雲漢侑

崇樽自憐蹤跡違城闕空想輪蹄溢里門

次江陵李使君

巨源

題偃松菴韻

休恠偏憐臃腫姿青青同是歲寒枝明時搆厦羣材足惟共秋香結晚期

松傍有菊  
十穀叢

用諸公題表忠祠韻贈南鵬上人

天下奇男見四溟東臨暘谷制奔鯨廣長舌奮魔皆伏毒害心消佛有靈世外髻珠休老授域中香火郭公并知師亦有垂天翼一擊猶堪截海腥

乙卯燕行時寵川兒妓楚臺月甫十歲愛其慧而能文贈以扇墜香今夏李翊卿自龍歸月寄以詩



清麗可誦今始十三歲矣戲次其韵

離愁無處寫聊上夕陽樓心逐前江水滔滔入海流

又

甬如傍路花我似歸林翮相望不可親何用空相憶

又

古人重意氣女子亦復然千里誰云遠濱陽不在天

與徐持卿訪金君圭

錫大

於南谷

峰回駘轉薜蘿深草屋清樽世外心坐久不知山日暮秋聲蕭瑟起前林

又次持卿韵

稻黃蔽野蕎花白跨馬平明入谷來幽鳥娛人長短  
轉村醪迎客兩三盃

偶成

朝霞稍斂日昇初娥媚江上擁草廬塵駕不窺蓬藿  
逕苔庭雉曬蠹魚書致君堯舜知無術養拙丘園計  
未踈夢擺槐安推枕笑數聲啼鳥午晴餘

次徐持卿韵

山風吹覆讀殘書寒衞來敲孺子廬撇網清波間絕  
叫柳枝穿得一雙魚

秋來不復見除書只許雲林擁弊廬真樂偶從濠上



得波心撥刺有游魚

又次持卿

筆陣詞鋒兩絕羣龍跳天闕鶴衝雲乍從素壁看揮灑多恐君書賽右軍

哭任同知致勛

垂老親愛盡匪君誰與同君又捨我去悲哉我之窮  
魂招鍊嶺北櫬返梨浦東慈母白垂垂血漬衣襟紅  
念此欲無生百哀攬余中達峴雲泱泱大灘秋濤舂  
却望達峴雲淚滴大灘風

書劔雖無成論才一世無囊錐見乘障朝議許分符

平生兩尚書見許良獨殊眷眷金摠戎片言色數愉  
惜不畀旄鉞得以展良圖如今俱已矣官衙但同樞  
後死徒悲傷寂寞卧江湖

題操舟亭

秋日郊居穩蟬聲滿四林江山非外物庭草見天心  
悟道輕年邁耽閑愛境深漁歌薄暮起蘆渚月陰陰  
又題

萬形皆自化天運不曾停臘屆梅舒白春歸柳放青  
隍溪城自復剝極陽茲生今古摠如許孰窺造物情  
送冬至使



寒郊動襜輒風雪撲征袍野入遼東澗城從薊北高  
帝拋鵝首醉天興狼頭豪感慨憑君起知心有寶刀

初聯一作空澗秦  
城遼野吞控海高

次宋仲潤瓊在斜川投示韵

龍門西畔卽吾廬一樹庭梅萬軸書眼刮青山看不  
厭夢趁丹闕覺成虛哀鴻戛戛流空外虐雪淩淩肆  
歲餘賦就停雲樽有酒招提歸路莫虛徐

仲潤又有詩見寄走筆次呈

縛草門關動涉旬雙魚消息暮江濱當時但愛麒麟  
檀舉世皆捐腰裏身禪榻隨緣衣繡佛奚囊無底作

詩人斜川細路連觴里却喜三冬德有隣

什潤有文而新編和

錄故初聯及之

朴友子龍在公山夢至弊居得句云春眼溪山深  
幾許既覺足成四韵詩見寄輒次其韻以報時臘  
月之晦也

海外驪珠入手明幽吟轉見故人情存身我已歸來  
得避世君猶卻曲行歲月駸駸如水逝乾坤浩浩覺  
春生依然一枕溪山夢神馬起忽不計程

湍山歸路午憇興壽菴

野蔓畦藤礙馬蹄松陰微迳透招提從僧暫借蒲團



睡歸夢趙州東院西

石老松寒日色低野禽吟替頻如啼坐來偶得真消  
息月自東昇水向西

宿平丘驛

暮宿平丘驛虛堂微雨秋稻黃村語喜雲黑客心愁  
戀主雖真性量才合早休躊躇歸路永江水解西流  
申君光彥先公上舍公有勉子詩大禹丹書之遺  
旨也申君持以示余求和其韻牽率口占以塞其

勤

吾老全於舊業踈橫空初志索然沮遺編三復仍三

歎可獨醒人是禹書

工夫宜密不宜疎最忌脩程中自沮  
達成山虧一

蕢感君誠孝為君書

送雪岳僧無畏

曾攀鳳頂最高峰閃閃雙虹掛半空夢結名山身已

老送師昭悵九秋楓

最高峯一作取天風

病中偶作

春睡病全失吟詩坐五更隔窓風雨亂近枕小燈明

絕筆

灾祥皆類至吾行鬼神知不聞與不覩冥冥敢自欺



八座榮已極七旬壽亦稀  
主恩終未報遺恨獨在斯

西堂先生集詩卷之二終



